

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i Programa utroška sredstava vodnih naknada za 2018. godinu, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 167. sjednici, održanoj dana 02.11.2018. godine, d o n o s i

O D L U K U

Član 1. (Predmet)

Odobravaju se sredstva u iznosu do 50.000,00 KM (slovima: pedesethiljada konvertibilnih maraka) općini Olovo za rješavanje pitanja vodosnabdijevanja naselja u MZ Križevici, za izradu projektne dokumentacije i izvođenje radova, iz sredstava rezerve Programa utroška sredstava vodnih naknada za 2018. godine.

Član 2. (Analitička konta)

Sredstva iz tačke I. ove Odluke isplatit će se iz Budžeta Zeničko-dobojskog kantona za 2018. godinu, („Službene novine Zeničko-dobojskog kantona“, broj: 1/18), sa razdjela 23, budžetska organizacija 01, potrošačka jedinica 0001, ekonomski kod 614400, subanalitika NAD403, pozicija «Namjenska sredstva za finansiranje projekata iz sredstava posebnih vodnih naknada», iz rezervnih sredstava Programa utroška sredstava vodnih naknada za 2018. godinu.

Član 3. (Uplata sredstava)

Sredstva iz stava 1. ovog člana prebacit će se na račun općine Olovo na slijedeći način:

- za izradu projektne dokumentacije, nakon dostave Ministarstvu za poljoprivredu, šumarstvo i vodoprivredu ugovora i fakture o izvršenoj usluzi izrade projektne dokumentacije;
- 50% od preostalog odobrenog, odnosno ugovorenog iznosa nakon dostave ugovora o izvođenju radova iz tačke I. ovog zaključka Ministarstvu za poljoprivredu, šumarstvo i vodoprivredu od strane općine Olovo, a ostatak iznosa nakon završetka radova i dostave okončane situacije, zapisnika o primopredaji i izvještaja nadzornog organa o završenim radovima Ministarstvu za poljoprivredu, šumarstvo i vodoprivredu.

Član 4. (Regulisanje međusobnih obaveza)

Obavezuje se općina Olovo da za realizaciju odobrenih sredstava provede odgovarajuće postupke javne nabavke za izradu projektne dokumentacije i za izvođenje radova.

Član 5. (Provođenje Odluke)

Za praćenje realizacije ove Odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 6. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-14-16499/18.

Datum, 02.11.2018. godine.

Z e n i c a

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Općina Olovo, putem Ministarstva,

1x „Službene novine Zeničko-dobojskog kantona“,

1x a/a.